

KONTROL MOZIOA

ALTZAKO KIROL BEHARREN BEREHALAKOTASUNA DELA-ETA

Amaia Almirall Lopez de Luzuriaga EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2017ko apirilaren 10ean Pertsonentzako Zerbitzuetako Batzordean aztertutako interpelazioaren ondorioa da.

JUSTIFIKAZIOA

Donostia Kirola Udal Patronatuak, 2016ko aurrekontuaren likidazioan jasotako datuen arabera, inbertsioetarako 471.982,71 euro ez ditu erabili. Horietatik 261.787,30 euro 2017ko aurrekontura erantsi ziren baina 210.195,41 euro erabili gabe geratu ziren, Kiroletan behar handiak daudela begien bistakoa denean.

Besteak beste, Altzako kiroldegiaren itxiera dela-eta, behar horiek areagotu egin dira. Kirol beharren artean, behin behineko espazio alternatiboen beharraz hausnartuta, hala ailegatu baita behin eta berriro Altzatik bertatik, apirilean ere interpelatu genuen alkatea eta, horren ondorioz, apirilaren 27ko udalbatzarrean aho batez onartu zen honako hau zioen mozioa:

1,- Udalbatzak hertsiki eskatzen dio Udal Gobernuari, Altzako kiroldegi berria ireki bitartean, neurriak har ditzala kirola egiteko espazioak egokitzeko Altzan bertan, berehalakoan erabiltzeko modukoak, bien bitarteko izaeraz edo/eta etorkizunean behin betiko gera daitezkeenak.

2,- Udalbatzak hertsiki eskatzen dio Udal Gobernuari Altzako kirol jarduerari erantzuna emateko diseinatzen dituen behin behineko proposamenak, gauzatu aurretik, konparti ditzala Altzako eragile eta herritarrekin.

Azkenekotik hasita, mozio horren betekizunean, ekainaren 13an Udal Gobernuak bilera irekia egin zuen Tomasene Kultur Etxean eta Altzako eragile eta herritarrekin beren asmoak konpartitu zituen. Halaber, egun batzuk geroago ere, ekainaren 16an aspaldi deitu gabeko “Altzako kiroldegiari eta amiantoz kutsatutako lurzoruei buruzko Batzorde ez Iraunkorra” elkartu zen, talde honek eginiko interpelazio bati erantzunez.

Bi bilkura horietatik ateratako informazioen baturan oinarrিতා ondorío desberdinak atera ditugu. Eraikuntza L.H.ko Institutua izan dena, gaur egun itxia, erabiltzeko asmoa agertu zuen Udal Gobernuak. Bertan eman zituen azalpenen arabera, luze samar joango den egokitzapena da, urtebete ingurukoa eta milioi batetik gorako gastua. Gastua kontuan hartuta, Udal Gobernuak erabaki du Eraikuntza L.H.ko Institutua egokitzeari helduko diola, baldin eta behin betiko eraikinaren obraren aurreikuspena hiru urtetik gorakoa bada. Epe hau ezagutzeko eraikin zaharraren inguruko azterketak bukatu behar direnez, oraindik luze doa balizko egokitzapenaren hasiera, eta ondorioz soluzio probisionalerako egokitzapen kalkuluari (urtebete ingurukoa) hemendik eta hasi bitarteko tartea gehitu behar zaionez, gutxienez urte eta erditik gorako epeaz ari garela dirudi.

Aurrekoak horrela, behin behineko irtenbidea luze doa eta, beraz, nekez beteko da apirilaren 27ko mozioaren lehenengo puntua, “berehalakoan erabiltzeko modukoak” dagokionez. Aldiz, azalpen honen hasieran genioen moduan, Udalak badu kiroleko inbertsioak egiteko soberako dirua izan, eta oraindik ere izango du, behin behineko espazioak berehalako erabilerarako egokitzeko moduan, kiroldegi berria egin bitartean baita Eraikuntza L.H.ko Institutua egokitu bitartean ere, altzatarrek kirol eremuan dituzten beharrei aurre eginez. Finean horrelako zerbait egingo du Udalak Eusko Jaurlaritzak San Martin kalean duen eraikinarekin Hirigintza bertan kokatzeko, Easora joan bitartean, obra garestia ere izango dena, 1.150 m karratu egokitu behar baitira eta babestua dagoen eraikina baita.

Halaber, behin behineko neurriak hartzeko beharra zuzenean lotuta dago egungo kiroldegiak eta bere inguruneek amiantorekin duten arazoekin, kiroldegi bera eraiki baitzen espazioan amiantoa produzitzen zuen lantegiak lurra kutsatu zituelako. Arazoaren tamainaren ondorioz, batetik, oraindik azterketa fasea ez da bukatu, eta, bestetik, arazoari aurre egingo dion behin betiko irtenbidea erabakitzeke dago. Hala ere, orain arte egindako azterketen ondorio batzuk jada ezagunak dira, eta auzotarren artean kezka gehien sortu dutenak Oletako Eskolaren ingurunearekin daude lotuta. Arazoaren konplexutasun osoari segurtasunez eta funtsez aurre egiteko behin betiko irtenbideak luzatuko direla ikusita, hartu diren behin behineko neurriak indartzeko eskaera zabaldu da, bai eta neurri berriak hartzekoa ere.

Horiek horrela, hauxe da behean sinatzen duen zinegotziak aurkeztutako
MOZIOA:

1,- Udaltzaker hertsiki eskatzen dio Udal Gobernuari Altzako kiroldegi berria ireki bitartean, Eraikuntza L.H.ko Institutua behin behinekoan egokitzeko, bestearen epeetara baldintzatu gabe.

2,- Udaltzaker hertsiki eskatzen dio Udal Gobernuari, Altzako kiroldegi berria ireki bitartean, eta Eraikuntza L.H.ko Institutua behin behinekoan egokitzen den bitartean, “espazioak egokitzeko Altzan bertan, berehalakoan erabiltzeko modukoak, bien bitarteko izaeraz edo/eta etorkizunean behin betiko gera daitezkeenak” aurtengo apirilaren 27an Udaltzaker aho batez onartu zuen bezala.

3,- Udaltzaker hertsiki eskatzen dio Udal Gobernuari, Oletako Eskola inguratzen duen lur perimetroan behin behineko estaldura jar dezala; eta kutsatutako eremuak mugatzen dituzten itxidurak indar ditzala; guztia aurtengo iraila baino lehen.

Donostian, 2017ko ekainaren 23an

Amaia Almirall Lopez de Luzuriaga
EH Bildu udal taldeko zinegotzia